

**MERCURIUS IN SOLE
VISUS, ET VENUS
INUISA PARISIIS,
ANNO 1631. PRO
VOTO, &...**

Pierre Gassendi, Giovanni Battista
Coccini

MERCURY

IN SOLI VITAE

ET VIVANT

PARISIIS

MDCCCLXXXII

PER PETRUM BASSANDI

ANNO DOMINI

PRISTOTAE DVA

Cum Officina Universitatis

Mr. Jones



St. John

PARISIIS

Imprimatur

Jacobus de Ciconia

MDCCLXXXII



EPISTOLA PRIOR,
DE
VISO MERCVRIO.

*Praclaro, & amico viro VVILLELMO
SCHICKARDO, in Academia
Tubingensi Professori Hebraïco*

PETRVS GASSENDVS S.

EN, mi Schickarde, Gallicum,
eundemque coelestem Mercurium.
Optâras illum tibi, mihiq; non
inconspicuum fieri. Tu, quid tibi
contigêrit, significabis pro otio;
ipse differre longum non potui,
quin te certiore facerem meæ qualiscumque
fortunæ. Si quicquam profuit, diligentia fuit,
quâ, Argi periculo cautus, lumina habui com-

A ij

posita aduersus medicatam virgam. Dolosus certe ille Cyllenius id prouidisse videbatur, vt nobis aut prorsus inuisus, aut incognitus præteriret. Videlicet inducta latas caligine terras occuluerat; ac tum maturius ingressus est, quàm sui spem nobis fecisset, & qui ipse deducit umbras, umbrâ tenuior apparuit. Verùm assuetus technis illius, etiam-num ab infantia, reuelandis, Apollo fauit, effecitque, vt qui accedens latere nos potuerat, non recesserit planè ignoratus. Quippe licuit, velaufugienti, Talaria premere tantisper, ac percontari interea, quid tanto Deorum nuncio, tanto Atlantis nepote dignum ex cælo vsque renunciatet. Vt paucis dicam, felicior fui, quàm tot illi Hermetici, qui frustra Mercurium in Sole requirunt. Εὐρίχα, ἔϊσαρχα: inueni, inquam, ac vidi illum, vbi hætenus nemo viderat. Vidi, non in subsellijs lacteis cum Philologia celebrantem nuptias; sed imperium iam affectantem, & quasi gloriantem

In Phœbi solto claris lucente Smaragdus.

Quid ludo tamen, cum tu rem seriò explicari desideres? Ecce igitur, quando calamum, quasi caducum præ manu habeo, exscribo tibi, *ὡς ἐπιτελεῖται*, quæ nuperrimè attexebam meis Commentariolis. Ea sic habent. Ad Annum M. D C. XXXI. & Diem vij. Nouembris, Stylò N. Manè, Parisijs.

E D I T A superiore anno Ioannis Keppleri Mathematici Casarei Admonitio ad Astronomos, verùmque celestium studiosos, de variis, mirisque anni 1631. Phanomenis, Veneris putâ, & Mercurij in Solem

incursu; ipsa me quoque admonitum fecit. Quare tempore accedente, quo Mercurius antegressus incurrere in Solem debuit, eadem me sub obscuro tecto ratione composui, qua in Solis tum Maculis, tum Eclipsibus obseruandis soleo. Circulus albus, quo Solis radios citra telescopium excipiebam, æquabatur diametrò dodranti pedis Parisiensis. Diametrum distribueram in particulas 60. ut cum Solis diameter esset minorum proximè 30. quælibet earum particularum foret vnus dimidiij minuti, siue 30. secundorum. Circumferentiam ab vtroque diametri fine distinxe-ram hinc inde per integros gradus. Adhæc quæmpiam præfeceram in supposita camera altitudini Solis consuetandæ. Is Quadrantem moderabatur radij propè bipedalis, & arcus diuisi per transuersas lineas; monitus à me, ut quamprimum pede impacto signum darem, fixam haberet tum occurrentem Solis altitudinem. A Die porrò v. adesse obseruaturus volueram: ea tamen tota pluuia fuit. Dies vj. manè nebulosa; & cum ab hora circiter octaua, in pomeridianam primam fuisset varia, exinde tamen ad noctem vsque fuit prorsus obscura, & per vices pluuia.

Ipsa Die vij. cælum ab aurora varium: sed maxima parte nubilosum. Paulò ante horam 8. visus Sol inter crassiores nubeis dehiscenteis; sed rarioribus adhuc obuelatior, quàm ut seu in ipsius disco, seu in objecto circulo aliquid interstinguoretur. Apparebat tum supernè coronæ vestigium, variegatione satis confusa. Ea per horam

ferè dutauit. Flabat frigidior Africus; vespere quoque jam perseuerans. Accedēte autem hora 9. cum Sol nonnihil inclaresceret, pingereturque in circulo, quidpiam subnigrum deprehendi. Id eo erat situ, vt prædictæ diametro verticalis planum referenti foret tantillū ad Orientem, qua parte dicta diameter non multò ampliùs sui quadrante ab inferiore extremo erat. Hoc tamen crassè subnotaui: siquidem lōgè aberam, vt suspicarer Mercurium tantillam projicere vmbra. Nempe ea erat exilitate, vt diametro sua vix superare videretur dimidium vnus expositarum particularum. Rebar potiùs Maculam esse, quæ tametsi die præcedente notata in Sole non fuisset, nihilominus ex eo tempore subnasci perinde potuisset, ac factum aliàs compereram.

Redeunte Sole sub horam 9. diametrum circuli direxi per cogitatam Maculam; exploraturus putà illius à circuli centro distantiam, ac sperans, si fortè Mercurius exoriretur postmodum, ipsam cum illo variè conferre. Siquidem lætabar occasionem natam, quā, si res foret alibi paratione obseruata, pronunciari aliquid posset de parallaxi vtriusque vel perexigua, vel etiam nulla. Comperi ergo illam distantiam particularum sexdecim. Sensibili mora interposita, ac restituto iterum Sole, diametrum direxi, vt priùs, obseruauique dictam distantiam ampliorem factam particulis quatuor. Tunc conturbatus cogitare cepi Maculam vulgarem non esse, vt quæ vix fuisset vbèrius spatium intègro die confectura.

7
 Ac subdubitabam quidem; sed persuaderi vix
 poteram ipsum esse Mercurium; adeò me ex-
 spectatio amplioris magnitudinis detinebat præ-
 occupatum. Hinc hærebam, an non potuissem
 aliqua ratione deludi circa acceptam antè distan-
 tiam. At cum Sol iterum alluxit, propositamque
 distantiam productiorem duabus particulis reperi,
 (jam enim erant viginti duæ) tum demum sum
 ratus bonis auihus adesse Mercurium. Itaque
 statim pede pulsare, cogitans per varia momenta
 proportionem motus venari; sed Meus ille nescio
 quò, aut quid acturus diuerterat. Inclamatum;
 ac bona sorte satis tempori ante finem reuoca-
 tum, seridè admonui, vt se compararet ad extre-
 mum actum.

Dum ille redit, ipse interea sum rimatus atten-
 tius Mercurij magnitudinem, donec hiscentes
 bis, tæve nubes nitere Solem permiserunt. Um-
 bra extrema dilutior erat, aliquantulumque ru-
 bescens (vt macularum mos est) cum interior pars
 foret nigricantior: sed ad vaporum interjectorum,
 vitrique naturam ista retuli. Medium, quò licuit,
 variè inserui prædictis illis particulis, vti ipsius
 diameter cum Solari composita prodèret mutuam
 proportionem. Cæterum habita ratione dilutis-
 simi etiam limbi, Mercurialis hæc diameter vix
 potuit quicquam excedere particulæ vnius bes-
 sem, hoc est minuti tertiam partem, seu maius
 secunda 20. Quare & diameter Mercurij non
 maior partè nonagesima diametri Solaris est visa.
 Si quidpiam fuit circumlibatum ob densitatem

aëris, tum fuerit vnius particulæ dodrans: profectò hæc illi magnitudo summa, ut fuerit diametri Solaris vna pars octogesima. Non memoro in Sole ipso obscurum solùm hiatulum visum, (per telescopium intellige) cuius cum Solis diametro frustra tentârim comparisonem.

Si quicquam egregiè adnotatum habeo, ipsum Tempus est, quo Mercurius à limbo Solis medius excessit. Tunc enim Sol præcipuè clarus (etsi non diù claruerit) ipseque eò fui præsertim attentus. Itaque prædictus excessus contigit alto jam Sole 21. gr. 44. min. Ex quibus si detraxeris 5. minuta ob refractionem (certè & in ipsa meridie Sol altus deinceps gr. 24. min. 58. eleuatur æquo est visus minutis propè 4. respectu saltem habito observationum æstiuarum) restitueris verò propter parallaxin Tychonicam minuta 3. prodibit correctæ Solis altitudo 21. gr. 42. min. Tumque si ex hac, & ex declinatione austrina Solis 16. gr. 19. min. (vtpote Sole occupante 14. gr. 42. min. 11.) itémque ex eleuatione poli Parisien. 48. gr. 52. min. ratiocinari libeat, perspicuum euadet Mercurium excessisse è limbo Solis prædicta Die vij. Manè, Hora x. min. xxvij.

Regio excessus in circulo meridiem inter, & exortum, quamobrem & in ipso cœlo Septentrionem inter, & occasum fuit. Quantum præcisè ea limbi pars distiterit à diametro verticalem repræsentante, iurare omninò non ausim. Quippe Sol tempore tam breui ante hunc excessum illuxit, & ipse adeò intentus fui prædicto signo exhibendo,

do, adeò promptus ad accurrendum, ut viderem ipse num probè se altitudo Solis haberet, ut non satis notàrim punctum, è quo factus est exitus. Aut fallor tamen, aut is fuit inter 32. & 33. gradus. Memini enim non longè abfuisse à gradu 35. an citrà tamen, an vltà fuerit, hoc est. quod doleo non adnotatum. Vtúmque sese res habuerit, suspicio ad illud propendet. Hoc si verum sit; quia tunc angulus Eclipticæ cum verticali exstitit gr. 56. min. 47. sicque arcus limbi Solaris Mercurium inter, & Eclipticam fuit grad. 14. min. 17. debuit excedens Mercurius sortiri Latitudinem Borealem min. 6. sec. 20. occupans interea gr. 14. min. 28. $\frac{1}{4}$ m. Suppono autem ex Kepplerianis præscriptis semidiametrum Solis min. 15. sec. 25.

Quòd si præterea supposuerimus motum diurnum, Solis quidem 1. gr. 0. min. 29. sec. Mercurij verò retrogradi longitudinis 1. gr. 20. min. latitudinis 20. min. Exinde sequetur Nodum visum fuisse in gr. 14. min. 52. m. Mercuriumque illum præterisse Horà 2. min. 31. à nocte dimidia; cum Sol esset in gr. 14. min. 21 $\frac{1}{4}$ m. sicque Mercurius ab ejus limbo secùdum propriam semitam distaret min. 17 $\frac{1}{2}$. Sequetur etiam, componendo motus obuiantium sibi Planetarù, hoc spatium percurri debuisse horis 2. min. 57. quibus additis ad prædictum tempus à media nocte præteritum, præditur Hora 5. min. 28. tempus scilicet, quo Mercurius subire Solem debuit; cum esset latitudine minutorum 2. sec. 30. (ut putà quasi existens in

limbo Solari ab Ecliptica gr. 9. min. 20.) longitudine verò occuparet gr. 14. min. 44. μ , ac Sol tum esset in gr. 14. min. 28 $\frac{1}{2}$ ejusdem. Sequetur demùm, si ex tempore excessus Hor. 10. min. 28. detraxeris tempus ingressus Hor. 5. min. 28. remanere Moram Mercurij sub Sole Horarum præcisè v. (quod etiam tempus elicitur ex semita Mercurij reducta ad Ecliptices min. 29 $\frac{1}{2}$;) atque adeò, cùm dimidia mora fuerit Hor. 2. min. 30. veram Conjunctionem celebratam fuisse paullò vltra semitam mediam Hora 7. min. 58. cùm utrùmque Sidus esset in gr. 14. min. 36. μ , & Mercurij latitudo foret min. 4. sec. 30.

Porrò cùm ex Admonitione, Ephemeride, Tabulis, eadem vera Conjunctio celebrari debuerit in Meridiano Vraniburgi hora 1. min. 17 $\frac{1}{2}$; tempore æquabili, hoc est tempore apparente, Hora 1. min. 27 $\frac{1}{2}$; à meridie: atque idcirco detractis inde min. 40. ob assignatam ipsi Kepplero Meridianorum differentiam, fieri debuerit Parisijs Min. 47 $\frac{1}{2}$; à transacta meridie; prodit sese calculi error Horarum 4. min. 49 $\frac{1}{2}$; patetque Mercurium observatum fuisse tum à Sole excedere, cùm debuerat paucis minutis, iuxta calculum, subiisse Solem. Præterea, cùm eadem Conjunctio prædicta fuerit celebranda in gr. 14. min. 49. μ . Manifestatur calculi error in motu Lōgitudinis minutorum 13. Ad Latitudinem quod spectat, ea assignata fuerat tempore ejusdem veræ Conjunctionis, min. 5. sec. 35. Cùm assignata verò à nobis exstiterit vno min. 5. secundis contractior, an ista quoque diffe-

rentia calculi error habendus est? An ea potuit propter diurnam parallaxin contingere? An denique creata est, quod nos non satis fuerimus attenti? Id suspicarer, nisi possem propemodum asseuerare, ex eo, quod à nobis aberrari potuit, latitudinem amplius decurtādam. Quicquid sit, valdè adhuc mirum, potuisse Mercurij motus in tāta illa obseruationum difficultate, ac penuria, ita cogi in numeros, vt locus tam paucis minutis, tempus verò tam paucis horis præter verum absuerint.

Cœlum deinceps magis, magisque serenari ceptum est. Altitudo Meridiana Solis obseruata est, vt est antè dictum. Cepit aër rursùm turbari sub horam à meridie 3. Ad horam 5. fulgurauit, tonuit, ac pluit satis validè. Id prædixissent Astrologi (nimirum Iudicarij) si peracta conjunctio fuisset in Signo aëreo, non aqueo, qualis habetur Scorpius.

HACTENVS describo, præclare Schickarde, quæ peracta obseruatione in Commentaria retuli. Sic moris habeo, sic exigit fides, quoties tibi quicquam impertior. Quæ sum ibi ratiocinatus, præter obseruationem sunt: verùm ea sum erga te mente, vt quæ calamo properante, ac præ magna auiditate rei cognoscendæ contextui, tibi non inuidenda ducam. Tu subtilius omnia disquires, ac tua cum Obseruatione, (si vobis quidem fuit Sol propitius) pro tua sollertia conferes. Erit certè quod deseruire instituto tuo Geographico possit, si momentum excessus fuit aut istic à te, aut alijs in locis peritè acceptum. Quippe loco-

rum interualla parallaxin fecisse debent aut nullam, aut adeò exiguam, vt ea neglecta rem parùm turbet. Nullam, aut perexiguam dico; quando jam constat Mercurium Venere in eo situ remotiorem esse, ac ipsi Soli circumduci; & tam propinqua credita nostris antecessoribus Siderum horum distantia meritò vocatur in dubium. Si de ea fortè constiterit, etiam perexiguæ illi parallaxi sua perinde, atque Lunari, dum Sol Eclipsin patitur, adhibebitur emendatio.

Cætera prætereo; sed ipsam Mercurij magnitudinem, vel potius quasi τὴν ἐμνήσθαι, exilitatem tacere non possum; quando eâ delusus tantoperè sum. Quis verò sibi persuasisset potuisse Mercurium in terris appellari *παραμύτης*, eundemque posse jam in cœlis *παραλάχτης* apparere? Ego certè licet jam nôram plurimum detrahendum esse ex apparente mole stellarum, ob excurrenteis radios (quippe & ipse aliàs legisti in quibusdam meis ad Kepplerum literis, qua ratione deprehēdissem diametrum Iouis, etiam acronychij, minuto majorem non esse) nihilominus hoc animo mihi non satis defixeram, fore vt Mercurius factus Perigeius sub exilitate tanta appareret. Fouebat præoccupationem, quòd in allata ad me pridie noua Lansbergij Vranometria, obseruassem celebrem virum, mentione facta telescopij, relinquere adhuc Mercurio in media à terris distàtia diametrum duorū minorum. Nimirum sexta minuti parte cōtractiorem facit, quàm Tycho; qui aliunde adjecerat fore vt Mercurius præcipuis stellis Affixis antecelleret,

si liber à crepusculi claritate conspiceretur. Quin etiam memoriæ hærebat, quod ipse aliàs Mercurij fidus cum Arcturo comparās, Anno putà 1621. die Octobris 10. dum ex horizonte Aquesi eodem propemodùm momento sub auroram emergent, vix vllam notare potuissem magnitudinis differentiam, vt neque rutili coloris (nisi quòd Mercurius non-nihil flauescensior iudicabatur) ex quo subibat cogitare, quàm meritò is fuisset *αλκυονίδης*, à veteribus nominatus.

At nihil cunctandum iam est, quin longè ampliùs ex apparente Siderum magnitudine, quàm credi potuisset, demendum occurrat. Nam illa quidem methodus mea ex comparatione ad diametrum Lunæ, aliquantùm profecerat: quòd ea tamen ex sola visus æstimatione perageretur, neque pateret ad circinũ, nihil exinde accuratum. Pretereo autem seu Errantium, seu Affixarũ corpuscula, quantumvis per tubum conspecta, non videri prorsus exiũre magnitudinem accititiam: quandò tunc etiam, vt clarum est, luculã circumamiciuntur. Nunc quoniam Mercurius (perinde ac Luna dum Solem obscurat) & diametrum suam circino subiecit, & imponere sua luce non potuit: constat profectò euidentius quàm nimio major magnitudo tum illi, tum cæteris propter circumfusam lucem affingatur. Poterant etiam veteres id ex Luna subodorari, quæ & in Eclipsi priuata splendore, minor apparet, quàm orbe plena; & donec *μικροτέρα* est, arcu portionis splendidæ maiorem arguit ambitum, quàm demonstret arcu

obscuræ. Sed quòd illi ne causam quidem hujus rei perquirerent; longè aberant, vt credere possent vnâquamque stellam speciali sibi aëre conspergi, qui splendore combibito, ipse collucesceret; cum ne de ipsa quidem Luna id ausi fuissent suspicari.

Et jam Epicurum derideant, quòd existimârit posse Sidera minora esse, quàm appareant. Certè quod ex ipsis apparet, totum penè est amplitudo spuria; & quæcumque illi fuerit intellecta consequutio, saltem assumptum argumentum ex lucidis rebus eminèns conspectis, planè assumendum jam est. Quippe vt nocturnorum ignium species augetur ex interuallo, quòd vicinus aër splendescens non discernatur vel ipsi Lynceo à flamma, cui circumjacet: ita nihil dicas commodiùs, quàm impèdio magis grâdescere Astra, quòd ea circumuestiens crassiuscula aura sic refulgeat, vt oculus ipsam à corpusculis circumobfessis non distinguat. Derideat etiam Aristoteles, ac simplices appellet eos, qui idèò putant astra pusilla, quòd pusilla hinc conspiciantur. Saltem, quòd fucò illo deterfò minutissima cōspiciantur, erit quòd ipse illa putet incomparabiliter minora, quàm Mathematici declamârint. Vnus Kepplerus suppetias venit, dum quantò magis Planetæ decrescunt, tantò eos longiùs à terra abducit. Immane tamen, quàm altum jam efferendus Mercurius sit: cum ne assumptum quidem nuper spatium majus duodecuplò, quàm Ptolemæus constituisset Solis à terra interuallum, instituto sufficiat.

Quos proportionēs harmonicæ semel probatæ non sic afficiunt, ij nisi velint Planetarū interualla amplificare, Dñi boni, quàm necesse est magnitudinem illorum imminuant! De vno nostro Mercurio loquor. Faciebat Tycho illum Terrā minorem decies nouies, Lansbergius duodecies: faciant jam vlteriùs minorem, hic quidem plusquam bis millies quinquies, ille plusquam quinquies millies sexcenties. Id fortè minùs improbandam opinionem Arabum faciet, qui ex placitis Ptolemæi Mercurium terrā minorem ducebāt circiter tricies millies; at ipsis vicissim in tāta vicinia sic necesse est decreascat Mercurius, vt rursum Terrā minor euadat plusquam quinquagies centies millies. Videlicet Tycho contendit diametrum Mercurij, cū in mediocri interuallo distat à Terrā 1150. semidiametris terrenis, apparere quasi partem diametri Solaris quartamdecimam; Lansbergius, cū distat semidiametris terrenis quam-proximè 1500. apparere quasi partem eiusdem quintamdecimam; Alpharabius, & Alfraganus, cū distat semidiametris terrenis 115. tantulam etiam apparere. Atqui jam constat diametrum Mercurij in mediocri saltem distantia non esse habendam ampliorem quàm partem nonagesimam ejusdem diametri Solaris.

Ex hoc intelligere licet num Majores nostri lepidè requirerent, cur Venus, & Mercurius, perinde ac Luna, Eclipses Solis causa non essent. Ac ipsi quidem causam reddebant, tum quòd hæ stellæ diaphanæ essent, atque idcirco traiectioni

lucis Solaris non officerent; tum quòd totæ lucidæ forent, sicque nihilo lucidiores, quàm ipse Sol conspicerentur; tum maximè quòd Venus quidem esset duntaxat centesima pars, Mercurius verò ducentesima, circiterve, disci Solaris, sicque Sol parte tantula nihilo fieret obscurior. Veruntamen, ut nihil dicam de duabus prioribus caussis, quas falsas esse Mercurij umbra, nigricantiæque jam declaravit; quæso, quod spectat ad postremam, quid non dicturi jam fuerint, cum Mercurius vix sit censendus pars septies, aut octies millesima disci Solis? De Venere idem conjector. Speravit Keplerus eam apparituram diametro septem minutorum, hoc est quasi partem $\frac{4}{7}$ proximè diametri Solaris; ex quo sequeretur Venerem visum isti nobis sub Sole occupantem totius disci partem decimam septimam. At ego sperare vix audeo diametrum Venerem unius integri minuti: sicque opinor Venerem vix occupaturam partem nongentesimam, aut etiam millesimam disci.

Hinc Keplerus optimo jure canat jam palinodiam de viso aliàs, seu à se, seu ab alijs, in Sole, Mercurio. Nempe dicere possumus hoc nobis primùm fuisse concessum; quandò quoties Mercurius *συναντῶς* Soli conjunctus in hunc usque diem fuerat (nostis verò quàm id sit rarum) nullus exortus Galilæus Telescopium parauerat, sine quo res fuit planè inconspicua. Ipse profectò id hac vice pertentare conatus sum, ut nudo obtutu viderem Mercurium: at planè frustra, etsi faue-

bant

bant rariora illa nubila splendorem Solis obtundentia. Qui verò poterat Mercurius triente minuti non major conspicabilis fieri, cum ne macula quidem densa integro minuto, ac triente major, conspici nudo visu possit; ut mihi certè contigit cum aliàs, tum præsertim anno 1621. circa diem 10. Septembris; quantumvis aciem intenderem, & macula in limbum vergente, & fulgore Solis retuso ob vapores occiduos? Neque nos mouere Abentrois debet, cum duas sibi in Sole visas nigricanteis maculas narrat, quo tempore Mercurius sub Sole esse debuerat. Siquidem neutra macularum poterat corpus esse Mercurij, sed major quæpiam alia ex eo genere, quod familiare jam euasit. Namque & ipse Galilæus quandam similem sibi visam, aliisque monstratam narrat citra telescopium; & Kepplerus re cognita tum pro Mercurio Maculam Annalibus nostris ereptam restituit: tum quem putarat pari ratione conspectum sibi Mercurium, Maculam demùm fuisse agnouit.

Attexam-ne quod mihi in mentem inter obseruandum occurrit; Sanè subibat tum meditari, qui fieri posset ut Astrologi tantulum Mercurij corpus dignum esse existimarent, qui tantæ Solis majestati ex propè ex æquo statueretur. Equidem, si audiendi forent, non jam Pygmaeus, sed penè pulex videbatur mihi cum Gigante contendere, tum de moderandis rebus cæteris, tum de distribuendis hominum fortunis. Pergebam fallaciam Trutinæ Hermetis posse vel hac demùm

ratione ad improbum omne examen transferri;
quodd leuissima Hermetica lanx Apollineæ grauif-
simæ iudicaretur æquiparati. Cogitabam, si tum
Mercurius haberet quidpiam virium, qua ratione
illud à tanta, tamque potente Solis virtute non
perinde obrueretur, ac vis guttulæ aqueæ, dum
conijcitur in situlam vini. Non demirabar Mer-
curium indifferētem vulgò haberi ad bonitatem,
& malitiam; id stupebam dici de Sole, cuius vim
planè beneficam nemo non probat, nisi ingratus.
Subridebam hominum fata ex tam tenuibus filis
contexti: ac suppudebat leuitatis, qua tam multi
ad ea noscenda animum seriò appellerent. Con-
siderabam, si quispiam tunc nasceretur infantu-
lus, quì se deterius habere posset ob Mercurium,
vel potiùs Mercuriolum in corde Solis. Habe-
bam illum Retrogradum, ex Saturni radio re-
centem, in Quadrato, ac domo Martis, in Lunæ
propè oppositu, & quæ sunt his similia: At mihi
tamen insufurrabam, quàm absurdè tunc juxta
illos, infelix infans designaretur, ac Parcæ ipsi
tum necerent infortuniorum genera varia, circa
litteras, mercaturam, diuinationem, & cætera.
Adjiciebam, Quàm facilè omina hæc omnia
auertentur, si fortè,

Ecce auia, aut metuens Diuūm matertera cunis

*Eximat hunc puerum, frontēque, atque vda la-
bella*

Infami digito, & lastralibus antè salinis

Expiet, vrentis oculos inhibere perita.

Sed apage ab istis nugis.

Illud potius curandum foret, quòd Astronomi conturbandi sint ob insperatam hanc paruitatem. Notum enim quàm multos jam mouere lapides oporteat, ut Systema Harmonicum ex globis Planetarijs constet. Ipse est Mercurius Musices inuentor, qui falsitatem prodidit creditarum consonantiarum. Veritas ergo vel nuda vincat, & quæcumque τοῖς φαινομένοις, non consonareprehendentur, ea demùm sunt dissona. Prouideant verò, si qui contendunt machinam luxatam firmare, non rem visam ad ratiocinia; sed ratiocinia ad rem visam bona fide pertrahere. Hæc quippe vna legitima philosophandi methodus est, si quis naturæ suum ingenium, non ingenio suo naturam, quo decet candore, submittat. Quæ enim placita tam multa, tamque portentosa crebrescunt, ὥς φιλοπόνας ortum habent; dum sibi quisque ob sua inuenta, vel somnia potius gratulatus, naturam totam, quàm sua commenta in errore versari mauult. Hinc etiam inconstantia illa, quam testentur necesse est, qui volunt agere sincerius, dum eludere passim naturam quas iniijimus compedes, necesse est creberrimè quæ arriserint, improbentur. Itaque simplicius agamus, ac nisi nobis constiterit quorsum, aut qualis symmetria inter cælestes globos habeatur, contenti simus quibus frui licet, ac relinquamus posteris quod ipsi adijcere possint. Multa habemus supra Majores; quid inuideamus Minoribus, si sint supra nos multa habituri? Iuuemus illos potius quibus subsidijs possumus: cùm enim sæpiùs iteratas

obseruationes habuerint, tum demùm fortè intelligent quod nos defectu obseruationum non possumus non ignorare. Vis dicam verbis Senecæ? *Veniet tempus, quo ista, quæ nunc latent, in lucem dies extrahat, & longioris aui diligentia. Veniet tempus, quo posteri nostri tam aperta nos nescisse mirerentur.*

Sed heus de re adedò exili quàm copiosa verba profundo? An Deus ille facundix me vi quadam verborum sub pusilla specie animatum voluit? Nihil erat apud te opus agitante illo incallescere: sed obtemperandum *ὑποτασσάμενος* fuisse. Tu boni omnia consule; ama me, vt facis, p̄petuum; & amicum Lanzium saluta. Parisijs iiii. Eid. Nouemb. Ann. *MDCCXXXI.*

POST-SCRIPTVM.

Eclipsis Luna Diei sequentis.

NIL perferibo de Eclipsi Lunæ, quæ nudius tertius, seu postridie visi Mercurij contigit. Eodem enim vento constante crassæ adedò nubes obfuerè, vt totius spectaculi vix quicquam fuerit, *ὡς νεφέλαι.* Initium certè Eclipses videre nullo pacto licuit. De fine hoc solum possum dicere, accidisse illum post Horam 13. min. 13. ac ante Horam 13. min. 35. Siquidem Luna nondum erat restituta omni-

modè, sed superesse adhuc videbatur sesquidigitus, aut aliquid ampliùs, cùm inter nubeis emicans, alta esset versus occasum, & secundum sui superiorem limbum, gr. 55. min. 20. Visa verò fuit pleno orbe fulgens, cùm post-modùm interlucendo, idem limbus superior fuit grad. solum 50. min. 0. Expressius fortè aliquid de Emerfione prima proferrem, nisi adnotatum haberem illam proximè contigisse, cùm Luna promotà vltra meridianum tribus circiter gradibus, alta foret supremo limbo grad. 57. min. 50. Nempe seu nubes densiores fuere, seu in tam veloci illarum transcurso rem peregi præproperè, seu non exquisitè notavi, consignauique numeros, ipse mihi jam negotium facefco, cùm arcum ex altitudine *Æquatoris* 41. gr. 8. min. & *Declinatione* Lunæ 16. gr. 58. min. (habito scilicet respectu acquisitæ jam latitudinis *Borealis*, idque secundum tabulas) æqualem inuenio correctæ altitudini gr. 58. min. 6. detracta putà semidiametro min. 15. & restitutis, ob parallaxin, min. 31. perinde ac si Luna tunc fuisset exquisitè in meridiano.

Vnum Totalis Immerfionis momentum primum superest, de quo certius aliquid habeam. Etsi enim tunc temporis fixarum stellarum nulla est conspecta: attamen tum ipsa Luna sese ad Orientem fecit satis conspicuam; tum Sidus Iouis Meridianum aliquantulum prætergressi, sub luce maligna non-nihil enituit. Itaque subeunte Luna plenas tenebras, summus eius limbus fuit altus 52. gr. 0. min. & eodem tempore Iupiter

43. gr. 25. min. Quoniam verò Luna tunc supponitur fuisse in 15. gr. 45. min. 8. cum ne vno quidem integro minuto Australis latitudinis; ac proinde habuisse declinationem Boream 16. gr. 36. min. cum Ascensione Recta grad. 43. min. 16. idcirco ex correctâ ejus altitudine 52. gr. 21. min. (putâ detractâ semidiametro Lunæ min. 15. ac restituta parallaxi min. 36.) & ex Asc. R. Solis 223. gr. min. 44. elicitur Hora 10. min. 22½ à meridie. Pari ratione quoniam Iupiter supponitur fuisse in gr. 11. min. 1. 7. cum latitudine Australi gr. 1. min. 34. ac proinde habuisse Declinationem Boream grad. 2. min. 44½ cum Asc. R. gr. 10. min. 19. ideò neglectâ ejus parallaxi, & supposito eodem loco Solis, colligitur fuisse à meridie, Hora 10. min. 17. Ac varietas quidem heic subest minutorum 5. aut 6. Verùm nihil amplius præstari potuit, utinamque res tota valeat per observationes tuas emendari. Equidem non dubito, quin si tibi cœlum arrisit, observaueris momenta Eclipsæ ab Ephemeride dissonare. Vides ut nobis Incidentia saltem, per Horam ferè dimidiam (si Meridiani ritè sunt distincti) retardata contigerit. An secundi radij valuerint tantam moram inuicere, ipse per te examinabis. Vale iterùm.



EPISTOLA POSTERIOR
DE
INVISA VENERE.

VVILLELMO SCHICKARDO
Amico sincero

PETRVS GASSENDVS S.



FFECI nuper, mi Schickarde, vt
Deus ille πολύβοπος victus coram
te sisteretur. Speras Deam πολύ-
χουσι pari ratione jam traducam?
Ausus fueram, volueram: sed ipsi
me grauè peccare in Sexum non
collibuit. Est quodd mirere Fallacem illum po-
tuisse sese prodere, Compram hanc noluisse
ostendi. Sic tamen res habet: Spumigena hæc
nec rosea ceruice refulsit, nec falsa lusit imagine.
An eisdem compedibus teneri noluit, quibus

Mercurius, ne vel crearetur Hermaphroditus, vol gratum illi fieret, qui risum aliàs excitâret, testatus se vincula nulla exhorrescere, dum posset, vt Mars,

Εἶδεν εἰ λίαν ποιοι τὸ θεῶν ἄφροδιτη;

An vultum subduxit, vt faceret sui desiderium ardentius? An noctu solùm spectari voluit, vt plenior vmbra gratiam commendaret? An prodire reñuit sine certaturis de forma Deabus, quas vinceret? An me indignum habuit, quicùm Otriadem mentiretur? An sub organis à me apparatis Vulcani dolos verita est? An timuit ne nouus Diomedès diu cruorem exigere,

--- μεταλμυρὸν ὄξει χαλκῷ;

Hæreo: sed mihi non licuit illud hac vice exclamare,

Te Dea, te fugiunt venti, te nubila cæli,

Aduentumque tuum:

Quippe & venti, & nubila, & alta etiam noctis caligo ejus aduentum occupauere.

Qua sine, nec quicquam Dias in luminis oras

Exoritur, neque sit latum, neque amabile quicquam.

Petin' vt Amphionis Pacuiani instar eloquar tandem clariùs? Ecce igitur vt in Commentarijs. Ad Annum 1631. Mense Decembri, diebus 6. 7. & 8. stylo Nouo, Parisijs.

TEMPORE instante, quo Venus, juxta Keppleri Admonitionem, apparere sub Sole debuit, eadem omnia, sed accuratiùs, quàm pro Mercurio, parata fuere. Licet enim totum id tempus, quo Venus sub Sole futura juxta calcu-

lum

lum fuerat, intra spatium noctis cadebat: neque dubitabam, quin Venerei motus cognitiores essent Mercurialibus, atque idcirco quin minor hic, quàm nuper in Mercurio calculi error prodederetur; nihilominus committere nolui, ut si quispiam sensibilis insinüaretur errorculus (Venere nempe facta conspicua) aut is abiret inobseruatus, aut similis vlla, ac circa Mercurium, subire posset poenitētia. Promittebatur vera Coniunctio Die vj. in gr. 14. min. 35. + cum latitudine Veneris ad Boream min. 11; idque in Meridiano Vraniburgi, tempore æquali, Hora 9. min. 41. seu apparente tempore, Hora 9. min. 46. atque adeò Parisijs, Hora 9. min. 6. Debebat proinde Incurfus in Solem sub occasum Solis proximè contingere, Excessus die sequente manè, ad horam circiter 2. Itaque inuigilandum potissimùm duxi ipsa Die vj. non neglecturus diem vij. si sextâ nihil foret visum. A diebus iiij. & v. vsque respectaturus fueram; sed ijs totis cœlum fuit planè nubilosum, ac pluuium. Perseuerabat Africus ex obseruato vsque Mercurio. Seu illi aëris imperium sorte datum obtigerat, seu Mercurius Astrologorum Æolus ita destinârat; tanta fuit per vires eius vehementia, ut etiam ædeis subruerit. Id obseruatum potissimùm ad ipsam diem Eiduum Nouembris.

Ipsa Die vj. Decembris, cum idem ventus continuò flaret, & quidem satis validè; cœlum tamen sub auroram admodum serenum apparuit. Sol deinde exoriens confertis vaporibus tectus, videri

liquidò non potuit. Non longè ab Hora 8. cum vapores rarefcerent, Sol sese satis disertè pinxit in circulo cis Telescopium. Ac Venus quidem nusquàm comparuit; verùm apparuit Macula gemella, quam adesse lætatus sum, vt illam variè cum Venere, si aduentaret, conferre possem. Existimabam siquidem neminem posse tunc temporis Veneris causâ Solem spectare, quin illicò Maculam illam & deprehenderet, & obseruaret. Quare & ipse eam, qua potui, descripsi diligentia; si nullam quidem aliam ob causam, saltem, vt ex collata mea cum cæterorum obseruatione, certior vtcùmque fierem, proderet-ne villam parallaxin. Sed de hoc statim. Venus interea conspecta non est. Hora 10. Sole satis claro. Non item Hora Meridiana, in qua summa Solis altitudo fuit grad. 18. min. 25. (saltem Sol ibi hæsitauit, neque visus est aliùs ascensurus, cum interceptus nubibus est.) Non inter Horas 2. ac 3. à meridie, cum Sol restitutus est, circiter semi-horium. Non Hora 3. cum quadrante, aut triente circiter, Sole adhuc alto sex proximè gradus, ac tota facie factò conspicuo. Ex eo tempore Sol non totus visus, sed varijs solùm particulis per rimas quasdam nubium, ad vsque altitudinem graduum duorum cum semisse. Quæcumque verò Solis frustra exhibita in circulo sunt, illa Venerem nusquàm retulerunt. Reliquo toto tempore nubes fuere magis confertæ, ac densæ, quàm vt quidpiam Solis omninò apparuerit.

Ad Maculam quod attinet, ea, vt dixi, gemella

fuit: exiguum quippe interstitium duas ejus partibus distinguebat, cum illud etiam luculâ (in quam maculæ ferè desinunt) rubicundiore completetur. Vtraque erat ellipticâ, seu quasi ouallinâ formâ, ea proportionem diametrorum, ut longa esset ad latam dupla, sed longitudinis extremis non-nihil acutioribus. Cuspides utriusque deorsum, sursumque spectabant; & quæ ex duabus orientior erat, ut longior, ita latior parte sui quarta propè videbatur; eratque duabus circiter quintis secundum situm depressior. Eiusdem longior diameter unius particulæ erat, qualium diameter Solis sexaginta; cum & ipsius cuspis inferior à superiore alterius particulâ unâ, cum semisse distita foret. Hoc modo transversa utriusque conjunctim acceptæ crassities unius particulæ erat: habui autem medium hujus crassitiei veluti centrum Maculæ. Regio porrò, in qua apparuit (intellige semper in circulo ipso) quadrans fuit, qui limitatur exortu, & meridie. Hora 10. centrum Maculæ distitit à circuli centro particulis sex cum semisse. Hora pomeridiana $2\frac{1}{2}$ distantia fuit particularum septem, ac semissis, aut etiam aliquantò plus. At in ipsâ Meridie, quo tempore situs verticalis cum Ecliptica perseverat constantius, situs Maculæ in disco Solari paullo accuratius observatus est. Diametro erga circuli ad meridianum sic accommodata, ut diameter alia ad angulos rectos esset horizonti parallela exquisitiùs, Maculæ centrum distitit à circuli centro particulis septem; & à puncto diametri, circuli quæ infimo particulis vi-

ginti sex, cum tribus octauis. Aberat proinde & à meridiano particulis 5 $\frac{1}{2}$ & ab ipsa Ecliptica, quæ deinceps ducta per circulum est, particulis 3 $\frac{1}{2}$. Et sic quidem hac sexta Die Macula sese habuit.

Die vij. emergente Sole ex matutinis vaporibus, ac in altitudine graduum 5 $\frac{1}{2}$ seu Hora 8 $\frac{1}{2}$. Venus ab illo absuit. Apparuit autem Macula distans jam à circuli centro particulis ferè 13. In Meridie Sol altus fuit gr. 18. min. 38. Tunc verò situs Maculæ is fuit, vt ipsius centrum abesset à circuli centro particulis 13 $\frac{1}{2}$ ab infima diametro particulis 27 $\frac{1}{2}$ atque aded à meridiano particulis 12 $\frac{1}{2}$ & ab ipsa Ecliptica particulis 4 $\frac{1}{2}$ cùm descripsisset motu diurno, secundum propriam semitam, particulas proximè 7. seu quasi 6 $\frac{1}{2}$. Tum porrò Venus adhuc inuisa; etiam claro Sole, sub Horam à meridie tertiam.

Die viij. nihil jam Veneris aduentum moratus, accepi solùm Maculæ situm, cùm Sol esset in meridie altus grad. 18. min. 31. Moles jam tum agnita est non nihil contractior. Centrum illius distitit à circuli centro particulis 18 $\frac{1}{2}$ ab infima diametro partic. 29 $\frac{1}{2}$ atque aded à Meridiano particulis 17 $\frac{1}{2}$ & ab ipsa Ecliptica particulis 4 $\frac{1}{2}$ fuitque motus ejus diurnus secundum propriam semitam particularum 5 $\frac{1}{2}$. Nubes dierum sequentium, cùm jam Vulturnus succederet, obseruationem interturbârunt.

HÆc sunt, Schickarde, vir optime, quæ *ἡμετέριον ἡμετέριον ἡμετέριον* conscripta habeo. Exspecto adhuc quid de Mercurio ipse obserua-

ueris: nam de Venere propè certus sum te quodque illam celatum fuisse. Cùm enim Horâ propè dimidiâ sepositus ad ortum sis; mirum, si quod nobis occasuri Solis nubes inuiderunt, id tibi partem spectaculi expectati præbere potuit. Si fortè tamen Maculam eandem aut obseruatam abs te, aut ex aliorum obseruatione communicatam habeas; quæso pro tua humanitate impertiri ne graue ducas. Nisi ipse nunc erga te tam diligens videor, ac nuper circa Mercurium fui: causam habeo, tum quòd tam prompta occasio literas meas ad te mittendi Diodato nostro nata non est: tum quòd còmodum expectare volui, vtrum descripta Macula ante suum è Sole excessum, sese adhuc conspicuam (quod non præstitit) faceret; tum quòd quantum Mercurius adspectu suo me animârat, tantum Venus meum conspectum auersata languidum fecit; tum demùm, quod toto jam mense eo laboro *περὶ τὴν μακρὰν*, vt nocteis propè insomneis ducens, nulli serix occupationi ausim, possim-ve me dedere. Si salutis dispendium fuit, quòd non omninò citra contentionem ad obseruandum fuerim accinctus; illud cum sperata mihi voluptate, cùmque studio, quo volui tibi rem facere gratam, compensatum esto.

Monitum 1. de Marte.

APPENDO etiam, quod ex mora fortè accessit, tenue lucellum. Nosti Kepplerum adnotasse ad calcem motuum huiusce mensis,

D iij

fore nobis Martem inter Cor, & Cernicem Leo-
nis die 16. Ego, cūm Die 10. manē, sub auroram,
strati impatiens exurgerem, animaduerti sere-
nitatem splendore Lunæ indicari. Ostio aperto,
oculos versus Meridiem sustuli, ac deprehend
illicò paullò vltra Meridianum, Martem proximè
collocari inter duas prædictas stellas. Siquidem
ducta recta linea ab vna stella ad aliam, videbatur
ægrè relictura Martem tantillum occidentalio-
rem. Ejus certè limbus ad ortum videbatur
quam proximè ab illa linea attingendus. Die ij.
eādē Horā, cūm & tunc demonstrante Luna in-
uitaret serenitas, in eadē Astra aciem intendi.
Observaui autem Martem præterisse jam rectam
illam lineam, tantūque factum orientaliorem,
quantum die antecedente fuerat occidentalior.
Vt per nubeis inter-currenteis, ac vrgentem
fluxionem licuit, accepi Martis à Corde distan-
tiam grad. 2. min. 26. Istud attexo, vt errorem
5. aut 6. dierum videas. Enim- verò existimo ty-
pographicum esse lapsū, cūm facilè 5. pro 6.
irrepere potuerit. Scilicet numeri consentiunt;
eādē propè tum existente Longitudine Reguli,
& Martis. Potest tamen vnius diei (sed in diur-
no motu lentiore) adnotari errorculus, cūm
Ephemeris habeat de illa die (decimam fac) *nobis*
manē, adhuc antè.

Monitum 2.

PORRO hic lapsus me admonet, vt corrigendum indicem lapsum non paucorum dierum, sed integri Mensis, qui obrepfit in descriptionem obseruationis de Matte, quàm Merse-
 sennus noster imprimendam voluit ad calcem Exercitationis meæ Epistolice contra Fluddum. Lapsus habetur pag. penultima, seu 359. lin. 2. quo loco pro *Maie*, repositus est *Iunius*. Idamicus quispiam agnouit, dum fortè illam Obseruationem cum noua Keppleri Ephemeride conferret, indicauitque illicò. Ipse Commentarium statim protuli, in quo reuerà reperimus *Maium*. Seu verò meum, seu Exscriptoris, seu Typographi vitium fuerit, quæso vt quando meas nugas probans, asseruas exemplar illius Exercitationis, velis erratum corrigere. Id etiam admone amicos, si qui fortè habent exemplaria. Siquidem quia illic de fide Obseruationis agitur, noluerim cui-
 piam ex eo mendo errandi occasionem fieri. Ac possent quidè peritiores, attentiorèsque facile notare locum illum Martis in eum mensem non cadere; sed nisi quis in serie motuum huius Planetæ versaretur, deluderetur facillimè. Noueris fortè ex catalogis nuperarum tam Vernalium, quàm Autumnalium Nundinarum, Fluddi Responsionem ad meum Libellum quasi excusam iactatam fuisse: Bibliopolæ tamen nostrates retulere nuperrimè illam ex Typis nondum prodijisse.

Tu, si quid habes de ea compertum, cura amabò, ut nosse valeam. Tametsi enim is non sum, qui velim ansam præbere Fluddo, ut iterum respondeat; nihilominus non inuitus quid jam responderit cognoscam. Sed tandem Vale. Parisijs, Pòstridie Eid. Decemb. An. 1660 cxxxix.



EXCER-



EXCERPTVM

EX EPISTOLA, QVÆ

PRIORE HARVM MEMORATVR

ad Kepplerum scripta, Pa-
risijs, vj. Kal. Septemb.

An. M. DC. XXX.

Eclipsis Solis.

CÆTERVM copiam à Schickardo
nostro tibi jam existimo factam me
illius Observationis circa Eclipsin
Solis nuperam Diei x. Iunij. Nisi
fuerit, scito nobis in hac Ciuitate
(cujus latitudo est 48. grad. 52. min.) illius Ini-
tium contigisse Sole ad Occasum alto grad. 14.
min. 40. seu Horâ post Meridiem 6. min. 16. Fi-
nem videri non potuisse, propter Solis occubi-
tum, cum duorum propè digitorum foret adhuc
obscuritas. Medium, quatenus licuit, observa-
tum proximè fuisse Sole adhuc eleuato grad. 6.
min. 20. seu Horâ circiter 7. min. 12. Maximam

E

obscuracionem fuisse digitorum 11. min. 32. Videlicet ambitum Solis excipiebam citra Telescopium Circulo ejus diametri, quæ duos, & viginti Parisiensis pedis pollices admitteret. Amplitudo sanè egregia ad venandum præcisionem Quantitatis Eclipticæ; sed quæ ob motum continuum, quo Circulus in satis magna à tubo distantia distrahendus erat, non satis tutam reliquerit duarum rerum, quæ mihi cordi simul erant, designationem. Siquidem mens fuerat præcisè captare & inclinationem diametrorum ad verticalem, & portionem residuam exterioris limbi Solaris ad extremas cuspides vsque. Illud, ad varias species parallaxeos; istud, ad ipsam diametrorum inter sese comparationem. Verùm tamen adnotatum habeam Eclipsin cepisse 35. gradibus à supremo puncto Circuli versus Austrum, seu ad dextram Circuli; ac defuisse illi exteriori limbo in maxima obscuracione ad semicirculum gradus 10. Neutrum tamen diuendere vt summè exquisitum velim. Ita contingit, vt neque semper, neque ab omni parte esse beatum liceat.

Occultatio Saturni à Luna.

HÆc sanè infelicitas Duplicem aliam reuocat in mentem, quæ mihi ex eo tempore inter obseruandum occurrit, & quam vtramque si heic recitæro, haud importunè fortassis agam. Prior fuit circa Occultationem Saturni à Luna, quæ Die sequente 19. ejusdem Iunii contigit.

Cætera enim exquisitè; at Instrumento tum destituebar, quo Horam venater ex fixis. Vtcumque tamen licuit, ex varijs, quæ circumsonabant Urbis horologijs, vnum delegi, quod præ cæteris obseruaram Cælo quadrare. Obseruationem ad hoc referens, quod quadranteis horæ pulsabat, momenta notavi, quibus Luna Saturnum subiit, ac deseruit. Itaque Luna tum *duplex* erat, Saturnum texit latere obscuro, parte ejusdem proximè 6. ab inferiore angulo, seu confinio claræ, & obscuræ partium; cum esset Hora verspertina 10½. In ea Lunæ phasi apparent ad interiorem, seu fertatum limbum duo quasi Vniones, seu bullæ, quas terttia quædam media circa diametrum ita sequitur. Saturnus ergo Lunam iniit è regione harum bullarum. Notandum verò, cum per Telescopium pateret adhuc amplâ distantia inter Saturnum, & lucidum, seu denticulatum limbum; nudo tamen visu eam tantulam fuisse, quæ stellam 3. magnitudinis ægrè captura videretur. Exiit autem Saturnus deinde à limbo occiduo, ac illuminato amplius quadrante, sed minùs triente ejusdem, ab eodem-met confinio. Scilicet proximè, & quasi è regione illius vmbilici, è quo varij radij pulcherrima specie funduntur. Erat tum Hora 11½ aut 12. Apparuit nempe ad Telescopium quasi pappulus candidus Lunæ velut super-excrefcens, qui ferè tamen ad horæ quadrantem fuit nudo visui inconspicuis.

E ij

*Transitus Lunæ prope stellam Ophiuchi, ac
æstimata Diameter Iouis.*

88
PO S T E R I O R fuit circa Lunæ Transitum
 propè stellulam in pede Ophiuchi, Die hu-
 jus mensis Augusti 16. vesperi. Quippe tunc e-
 dem non fui destitutus idoneo quodam organo;
 at quòd non aliàs satis aduertissem numerum ea-
 rum stellarum, quæ inibi sunt, & catalogo Ty-
 chonis desunt; aliam illic stellam non sum suspi-
 catus, præter eam, quæ prope Lunam est mihi
 conspecta, cùm Telescopium limbo Lunari,
 nescio quid curans, circumducerem. Ex hoc
 enim est, cur etsi conjecter hanc stellam fuisse
 majusculam illam, quæ depingitur in globis 3.
 magnitudinis; id tamen prorsus jurare non au-
 sim. Quæcùmque tandem ea fuerit, diameter
 Lunæ (& tunc ἀμφόρως) per extrema confinia
 partium lucidæ, & obscuræ ducta, ac versus stellam
 continuata, ipsam cepit inferiùs, seu ad austrum;
 interstitio inter stellam, ac limbum Lunæ tanto,
 quanta proximè esse videbatur sexta pars diame-
 tri Lunaris; cùm Sinistrum genu Ophiuchi esset
 adhuc altum grad. 16. num. 30. seu Horà à Meri-
 die 9. min. 55. Porro illud quoque interstitium
 tantum visum est, quanta est distantia inter duas
 illas stellas proximas in Cornu Capricorni; neque
 omninò dimidium ejus interualluli, quod est in-
 ter 2. Equum in cauda Ursæ majoris, & insiden-
 tem illi Equitem. Sed & dum idem interstitium

cum eo compararem, quod tunc erat inter Iouem, & vnum ex ejus Satellitibus, qui tum ipsi solus ad ortum, discrimen nullum obseruare potui inter vtramque distantiam. Quo loco illud mirabile duxi, Diametrum Iouis tunc propè Acronychij, non debere per Telescopium videri minus majorem. Cum enim illud interstitium videretur expleri posse 5. Iouis diametris; & tales quinque diametri, non continerent nisi sextam partem diametri Lunaris, seu quinque circiter minuta; perspicuum est Diametrum Iouis vnum minutum vix excessisse. Lætor id mihi venisse in mentem, vt te ejus rei monerem, quam posses ipse considerare. Ego tamen idem obseruâram ante nouem annos (quo etiam primùm tempore Iouem videre interdum licuit) nescio tamen quâ oscitantia penè oblitus id fueram, &c.

E. iij



AUCTARIUM

AD EUNDEM

SCHICKARDVM.

Occultatio Martis à Luna.

MI SCHICKARDE. Significatam literis datis postridie Kalendas Ianuarias, exemplum duarum Epistolarum ad te jam antè transmissarum, quod Amici extorsissent, voluissentque typis mandari, cum Excerpto mox addito: ne tum quidem mandatum fuisse. Longiores ex eo tempore Typographus produxit moras; donec rem hac hebdomade perficiendam seriò suscepit. Itaque ea tota opella deducta penè die superiore ad umbilicum fuerat: cùm ecce nocte præterita insignis occasio sese obtulit Auctarij hujus adijcendi. Res commoda ex insperatò: ita nescio quis bonus Genius ex editione procrastinata tibi, cuique similibus, qui harum rerum fuerint studiosi, consultum esse voluit. Scilicet observare licuit Martis à Luna Occultationem, quam possem heic

adtexere : & , quod magis mirari debeas , prope-
modum ex improviso. Siquidem obscurus , hu-
midus , ventosus dierum antecedentium aër cœ-
lum æquè memoriæ , oculisque subduxerat ; &
quamvis Kepplerus monuisset insigne fore hoc
Plenilunium ob ejusmodi Coniunctionem , ipse
tamen non adnotâram ; neque prius animaduer-
ti , quàm Ioannes Baptista Morinus amicus meus
singularis , & in Academia hujus Ciuitatis Regius
laudatusque Matheseos Professor , cui ea quoque
cura incubuerat , me hoc mauè , clara jam luce ,
præ noctis insomnis lassitudine adhuc sopitum ,
excitauit. Vt totam potrò historiam Observatio-
nis recenseam , neque committam quod Aristo-
teles , dixisse contentus vilam sibi Lunam , cum
esset *διχρόμος* , subire Martem parte obscura ,
emittereque lucida , en vt ea sese habuerit.

Heri , Die v. Februarij , An. 1632 , Sub horam
viii. à meridie pergebam ad cœnam , cum cœlum
insolito pulchrius inuitauit me ad speciem Lunæ
contemplandam. In illam respectans , atten-
dēsq̃ue Martem non longè ab ejus tramite ver-
santem , faciliè conieci illum , cui adulteria pro-
ludo essent , stuprum etiam , priusquàm Aurora
exoriretur , artētaturum. Postquàm ergo exempta
fames , secessi , atque appaui tum Quadrantem
supra descriptum , tum probum Telescopium. Sub
Horam xj. turbare serenitas cepit , transuolanti-
bus raris nubilis , quæ supernè Corus agebat ; cum
in Telluris superficie mira vigeret tranquillitas.
Sub mediam noctem accepi Lunæ altitudinem

maximam; eâque exhibita fuit secundum marginem supremum grad. 62. min. 12. Ac paullo post Martis; eâque fuit grad. 61. min. 30. Et consequenter Reguli: eâque fuit grad. 54. min. 56. Obiter autem adnotaui, si hæc quidem esset vera Reguli meridiana altitudo, ac declinatio ejusdem foret grad. 13. min. 46. Borea; Polarem altitudinem hinc futuram grad. 48. min. 50. hoc est duobus minutis brevior, quàm ex altitudine meridiana Solis per æstatem jam deduxissem. Sub horam 1. à media nocte conformata est circa Lunam Halos, quæ reliqua nocte durauit, varièque comprobata est eâdem diametro, quâ cæteræ omnes, nempe subtensâ partis octauæ totius cœli ambitus. Sub horam 11. accipere volui Martis distantiam tum à Corde, tum à Cervice Leonis, ad designandum ipsius locum proximè ipsam Conjunctionem: sed tum nebula transcurrentia stellas per vices eripuerunt: tum vapores densiores facti eas sic exileis exhibuerunt, ut conatus fuerint prorsus irriti.

Inter 11. & 111. horas Mars sic admotus Lunæ apparuit, ut jam nudo visu non posset ampliùs conspici; ipsò verò Telescopiò, tanto circiter interuallo videretur adhuc abesse ab illius margine, quanto sine Telescopio Lunæ diameter appareret. Credebam etiam facilè fore, ut Luna duntaxat Martem stringeret: nisi quòd ad constitutionem Poli Eclipticæ respiciens, non omninò desperabam, quin vel tantillum occultaret. Nec verò vana fuit spes. Siquidem jam sub horam 111. cum

cum plurimum illi quasi adrepisset, ac Mars proximè accessisset ad verticalis Lunæ planum, tum demum Luna Martem occultit. Contigit ista Occultatio, cum limbus ille Lunæ supremus foret altus ad occasum grad. 44. min. 17. & eodem tempore Arcturus foret altus ad exortum grad. 56. min. 10. Expectato postea egressu, etsi vapores jam fuerāt longè ampliùs densiores facti, variegatâque irradiatio circum Lunam diffundebatur; apparuit tamen Mars emergens in multa jam inclinatione vltra planum verticalis, cum idem limbus Lunæ supremus esset altus ad occasum grad. 39. min. 57. eodémque momento ad ortum foret Lucida Lyræ alta grad. 31. min. 54.

Hinc supposita Arcturi Ascensione Recta grad. 209. min. 43. cum Declinatione Bor. gr. 21. min. 11. Lyræ verò Asc. Recta gr. 276. min. 7. cum Declin. Bor. gr. 38. min. 29. Solis denique, putà existentis in gr. 17. min. 3. —, Ascensione Recta gr. 319. min. 31. præter elevationem Poli designatam superiùs, Sequitur Occultationem cepisse hac Februarij Die vj. manè, seu à media nocte, Horâ 3. min. 3. Desisse verò Hora 3. min. 33. Sicque totam Moram fuisse minutorum 30. & dimidium Moræ minutorum 15. Sed notandum est initium occultationis acceptum esse, cum Mars planè conditus fuit, finem cum penitus emerisset; ex quo fit, vt cum centrum Martis dimidio circiter minuto potuerit antè immergi, scilicet Horâ 3. min. 2½; dimidio antè emergere, scilicet Horâ 3. min. 32½; sequatur veram Mar-

tis cum Luna Conjunctionem accidisse Hora 3.
min. 17¹.

Qua regione Mars euanuit, Macula Lunæ longior, strictiorque producta superne à dextera parte, in patentiorē ad sinistram velut effundi incipit. Apparet ibi infra Maculam quasi Rhombus lucidus (ad dextram tamen cum reliqua lucida parte cohærescens) ejus supremus angulus vergit in Lunæ marginem. E regione ergo hujus anguli, vel tantillum ad dexteram, Mars præter Lunam fieri cepit. Qua verò regione Mars erupit, eadem ad dextram Macula sinuati jam cepta versus limbum est, exhibitura stomachi speciem. Hinc quantum ad visum æstimare licuit, semita Martis ultra Lunam fuit quasi subtensa unius partis septimæ totius Lunæ circumductus; atque idcirco minorum quam proximè tredecim. Hinc æstimato etiam ad visum quasi sinu verso immersionem summam metiente, visa est Martis diameter repetita ter proximè, illam omnino impletura: sicque cum ille non fuerit nisi min. 1¹, visa est Martis diameter non multò productior dimidio minuto. Fortè in majore à Luna distantia, sepositisque vaporibus videri possit diameter Martis ad unius minuti bessem, aut dodrantem accedere: longè tamen absom, ut credam fore ut minuti integri appareat.

An verò mea æstimatio partis illius septimæ sat justa fuerit, ambigo: quandò subtensa illius fuit minor Lunæ semidiametro; & peragrata tamen est æquali propè tempore, quo semidiamete-

ret ipsa Lunæ. Veruntamen ex designatis ingressus, & egressus punctis, licebit semper, quoties Luna circiter plena fuerit, æstimationem examinare, & ad rectum compellere. Vtrum verò dicam me subdubitare, an Lunæ Semidiameter minor sit, quàm vulgò habeatur? Certè tamen si Telescopium, dum stellas omneis circumcidit, Solem, Lunamque amplificet: certi tamen adhuc non sumus, an dum utriusque diameter dimidij gradus vulgò putatur, eadem Telescopio apparens sit etiam pars vigesima supra septingentesimam totius circuitus cœli. Reuerà enim aliquid etiam ex utroque luminari circum refecatur, & ex Luna præcipuè, dum obseruatur extra Eclipsin. Memini aliàs me rem tentasse, dum compararem diametrum Lunæ ad illam distantiam, quæ inter secundum Equum, & proximum Equitem in maiore Vrsa habetur: sed rem non satis successisse, cum talem distantiam exigerem toties ex diametro Lunæ, quoties ipsa juxta vulgarem æstimationem præ se ferebat. Et ne à præsentī negotio recedam, vides profectò, si prædicta æstimatio ritè habuerit, ac ratio quoque habita parallaxeos cuiusvis fuerit, subdubitationem non injustam fore. Alioquin enim tempus respondens motui semidiametri Lunæ non solum non excederet, sed etiam longè superaretur à Mora illa Occultationis: si nudo visu, & citra opem Telescopij posceretur. Non quòd Mars post sui emersionem conspici vsquàm nudo visu, propter vapores, potuerit (quem Telescopio ta-

men seſtatus circiter horam continuò ſum) ſed
reimpendo ex immerſione, & à ſimili ex ſupra
relatis circa emerſionem Saturni. Enimverò
ecl. 50.

Atque hæc ſunt, quæ jam de Martis Occulta-
tione, ſeu mauis Eclipſi, commemoranda habui;
quæque è re eſſe putaui Aſtronomiæ non retice-
re. Vides ſcilicet vt Kepplerus calculo ſuo de-
duxiſſet, fore vt Mars quidem tegeretur Romæ, &
Hiſpanis ad fretum Herculeum, verùm ſtringere-
tur duntaxat ſupremo Lunæ margine habitanti-
bus ad Danubium. Quamobtem verò & nobis
quoque non prædixerat teſtum iri, qui Meri-
diano intercipimur Romanum inter, & Gadita-
nium, & verſamur in parallelo, qui vix quicquam
illo ductorum per Danubium australior ſit? Sanè
& Borealioribus, & vobis etiam, parùm obſtante
parallaxi, Mars tegi debuit; vt dubium proinde
non ſit, quin emendandum aliquid in Tabulis
motuum ſuperſit. Prouidebis ipſe quatenus ex-
inde ſubſidij quidpiam ducatur ad Geographi-
cum inſtitutum; ſi aut obſeruatio quoque facta
eſt vel abs te, vel ab alio; aut ſi putas tempus ritè
 fuiſſe à Kepplero aſſignatum Meridiano Vrani-
burgi; cum quas adhibere cautiones in ejuſmodi
negotio conueniat, optimè omnium ipſe per-
noſcas. Cæteros mitto, ac præſertim Aſtolo-
giæ deditos; ijs enim licebit per me fata canere
admiranda ex corporali hæc Conjunctione in
domo Solis celebrata, & in quadato propè Sa-
turni, in cujus domo Sol exulans conjunctos

Planetas in tam exquisita oppositione habuerit.

Monitum de Marte.

HOc etiam addo, ut *πάρεργον*. Cum monuisssem te posteriore superiorum Epistolarum Martem eo die non constituisse inter Ceruicem, & Cor Leonis, dum ad Stationem properaret, quo Kepplerus prædixerat; admonco te jam neque constituisse præstituto ab illo die, dum à Statione regrederetur. Etenim scripserat Kepplerus futurum Martem inter eas stellas manere ante diem vñdecimam elapsi Ianuarij. At cum die 13. insperata serenitas ineunte Aurora conspicuam fecisset regionem occasus, oculos conieci in Martem, eumque deprehendi vix corpore toto excessisse lineam inter dictas stellas directam; aded vt neque esse potuisset in ejusmodi linea ante illius noctis initium. Non memoro vt Venus tunc per hiatus nubium illucescens sensibilem projecerit umbram, extremâque adhuc cornua per Telescopium ostentauerit.

Monitum aliud.

DENIQUE juvat attekere quod etiam jucundè accipias. Accessit nuper ad hanc Ciuitatem, Theologici studij gratiâ, pereruditus juvenis Ismaël Bohaldus Lodunensis, vol, si placeat, Iuliodunensis. Is, me inuisit, & rerum cœ-

lestimum studiosus, ac intelligens, Observationem communicavit acceptam à se Lodunensis poli altitudinis: quod tu impensè requirere observationum genus soles. Altitudinem dixit esse grad. 48. min. 1. quod anno 1625. Die Iunij 21. altitudinem meridianam Solis obseruasset amplo Quadrante grad. 65. min. 29'. Est porrò Lodunum oppidum in Gallia apud Pectones non incelebre. Adjecit ille Pictaviū, olim Augustoritū, nunc vulgò *Peitiers*, esse Loduno ad Austrum, ac in eodem Meridiano præcisè, cum distantia 10. leucarum apud Pectones vsualium, quas Germani, qui illud iter sæpius emensi fuerint, æquas censeant Germanicis milliaribus sex cum semisse. Hoc addo, ut nôris tum Origanum, & alios Ptolemæum insequutos prouehere Pictaviū plus æquo in Boream: Kepplerum verò, & alios plus æquo versus Austrum abducere.

Adderem aliam Observationem pro differentia longitudinum: sed hæreo de illa tantisper. Memorauit ille obseruatam à se Loduni Cordis Leonis Occultationem à Luna, anno 1627. Die Iunij 17. Hora post meridiem 9. min. 33. cum nempe distantia Lunæ à vertice foret grad. 73. min. 32. Ex collatione verò istius Observationis cum mea, quam impressam habes ad calcem supra memoratæ Exercitationis pag. 304. sequeretur differentiam longitudinis Diniam inter, & Lodunum esse min. 57. cum ego eandem Occultationem obseruârim Dinæ ex altitudine caudæ Leonis Horâ 10. min. 30. Atqui non videtur

hæc tanta interesse differentia. Cùm enim inter Diniam & Aquas-sexlias non sit differentia longitudinis, nisi trium propè minutorum; inter Aquas verò, & Parisios, nisi 14. ex comparatione Eclipsion Lunarium: sicque Diniam inter, & Parisios nisi min. proximè 18. superessent Parisios inter & Pictaviium min. 40. Porro interstitium non videtur tantum: cùm æstimanti itinera illud videatur dimidio minus, proximè scilicet accedens ad differentiam Ptolemaicam. Assignata certè Kepplero procul dubio deficit nimium. Vt cùmque se res habeat, nihil dissimulandum duxi, quòd tu vt nosse desideras omnia, sic proficias ex omnibus.

Sed finio tandem, si adiecero conscribenti ista mihi traditam à Diodato nostro Observationem abs te factam nupèræ illius Lunaris Eclipsios. Nec verò Epistolam video, nec mentionem ullam factam obseruati Mercurij. Suspicio te non obseruasse: quamobrem enim obseruationem non apposuisses in eadem serie? Exspecto tamen literas, quibus me certioremejus rei facias. Obiter video nos non malè, pro locorum differentia, de totali Lunæ immersione conuenire. Tu Vale, & me semper ama. Parisijs dicta Die 6. quæ est viij. Eid. Februar. An. 1610 CXXXII.

F I N I S.



hic facit interitum. Cum enim inter
Diametrum & Apogeeon non sit differentia lon-
gitudinis, nulli enim prope minorum inter
Apogeeon vero, & Perihelion, nulli. ex comparatione
Epiphoniam Lunarem: sicque Diametrum inter, &
Perihelion non sunt proxime 12. ferebantur Pa-
ris inter & Perihelion min 40. Porro inter-
itum non videtur tantum: cum xlii. annis ite-
retur illud videtur dimidio minus, proxime sci-
licet accedens ad differentiam Perihelioniam.
Affertur certe Kepleri procul dubio de
nominum. Vndeque res non est, nihil distans
tantum, quod tunc non de distans omnia
ut videtur ex omnibus.

sed interitum, si adiecto considerent illa
minutissima: Distantia hinc Observationem
abest scilicet super xlii. annis Epiphoniam
hic vero Epiphoniam videtur interitum vltimam
factam observationem. Quod te non op-
teret: quoniam cum observationem non
apprehendit in eadem serie: Epiphoniam tamen hic
transpeditur de observatione rei facta. Obiter
videtur non minus, pro locorum distantia, de
tota Luna immensum conuenit. Tu Vis &
me tempore anni. Perihelion dicitur die 6. quod est
vix. Epiphoniam. An. eo 15. c. xxi.

FINIS

